



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Broj: 06-45-4192 /25
Sarajevo, 09.05.2025. godine

Na osnovu člana 70. Zakona o organizaciji organa uprave u FBiH („Sl. novine FBiH“ br. 35/05) i člana 72. stav (3) tačka c) Zakona o javnim nabavkama („Sl. glasnik BiH“ br.39/14, 59/22 i 50/24) u Otvorenom postupku javne nabavke usluga - **Izrada Idejnog projekta Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo na području Općine Ilidža**, direktor Zavoda za izgradnju Kantona Sarajevo **d o n o s i**:

O D L U K U

o dodjeli ugovora ponuđaču Studio dva d.o.o. Sarajevo

1. Na osnovu člana 72. stav (3) tačka c) Zakona o javnim nabavkama („Sl. glasnik BiH“ br.39/14, 59/22 i 50/24) ugovor u postupku javne nabavke usluga „**Izrada Idejnog projekta Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo na području Općine Ilidža**“ dodjeljuje se ponuđaču **Studio dva d.o.o. Sarajevo** za ponuđenu cijenu u iznosu od **18.300,00 KM bez PDV-a**, popust 0,00, iznos PDV-a je 3.111,00, odnosno u ukupnom iznosu od **21.411,00 KM sa PDV-om**.
2. Ponuđač iz tačke 1. dispozitiva ove Odluke dužan je u roku od **5 (pet) dana** od dana zaprimanja ove Odluke dostaviti ugovornom organu **original ili ovjerenu kopiju** dokumentacije iz tačke 12.1. tenderske dokumentacije u svrhu dokazivanja činjenica potvrđenih u Izjavi iz člana 45. stav (1) tačke od a) do d) Zakona o javnim nabavkama (Aneks 4 TD).
3. Ponuđač iz tačke 1. dispozitiva ove Odluke dužan je u roku od **5 (pet) dana** od dana zaprimanja ove Odluke dostaviti ugovornom organu **original ili ovjerenu kopiju** ovlaštenja (za pravno lice-ponuđača) Federalnog ministarstva prostornog uređenja za izradu arhitektonskog projekta investiciono-tehničke dokumentacije u skladu sa tačkom 14. tenderske dokumentacije
4. Ova Odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama i članom 71. stav (1) Zakona o javnim nabavkama.
5. Ovom Odlukom stavlja se van snage Odluka o izboru najpovoljnijeg ponuđača broj 06-45-927/25 od 29.01.2025. godine

O b r a z l o ž e n j e

Na osnovu Odluke o pokretanju postupka javne nabavke broj: 06-45-12213/24 od 25.12. 2024. godine Zavod za izgradnju Kantona Sarajevo (**u daljem tekstu: ugovorni organ**) je pokrenuo Otvoreni postupak javne nabavke, pripremio tendersku dokumentaciju, na portalu javnih nabavki objavio Obavještenje o nabavci broj: 285-1-2-128-3-58/24 i Tendersku dokumentaciju u Otvorenom postupku javne nabavke usluga: **Izrada Idejnog projekta Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo na području Općine Ilidža**, u skladu sa članom 53. stav (2) Zakona o javnim nabavkama



(„Službeni glasnik BiH“ br.39/14, 59/22 i 50/24) i članom 8. stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22).

Javna nabavka oglašena je u „Službenom glasniku BiH“ broj: 1/25 od 10.01. 2025. godine.

Procijenjena vrijednost javne nabavke iznosi 35.000,00 KM bez PDV-a.

Rok za prijem ponuda bio je 20.01.2025. godine do 12:30 sati.

Komisija za javnu nabavku je konstatovala da su ponude prema redoslijedu zaprimljenih ponuda (cijene bez PDV-a) dostavili sljedeći ponuđači:

- | | |
|---|--|
| 1. Aksa d.o.o. Zenica..... | 29.300,00 KM |
| 2. Ipsa institut d.o.o. Sarajevo | 29.640,00 KM |
| 3. Studio dva d.o.o. Sarajevo | 18.300,00 KM |
| 4. Bosna inženjering d.o.o. Sarajevo.. | 35.000,00 KM, popust 53,4%(18.692,00) 16.308,00 KM |
| 5. Urbis centar d.o.o. Banja Luka..... | 24.400,00 KM |
| 6. Institut za građevinarstvo IG d.o.o. Banja Luka..... | 19.999,00 KM |
| 7. CPK d.o.o. Banja Luka | 16.700,00 KM |
| 8. Routing d.o.o. Banja Luka..... | 23.210,00 KM |
| 9. Radis d.o.o. Istočno Sarajevo..... | 23.960,00 KM |

Tenderskom dokumentacijom je propisano da je kriterij za dodjelu ugovora najniža cijena i da nije predviđeno provođenje e-aukcije s obzirom da su predmet javne nabavke usluge projektovanja.

Imajući u vidu da su sve zaprimljene ponude ocijenjene prihvatljivim Komisija je sačinila rang listu prihvatljivih ponuda (**cijene bez PDV-a**) u skladu sa kriterijem za dodjeli ugovora „najniža cijena“ i to:

- | | |
|--|--|
| 1.Bosna inženjering d.o.o. Sarajevo.. | 35.000,00 KM, popust 53,4%(18.692,00) 16.310,00 KM |
| 2.CPK d.o.o. Banja Luka | 16.700,00 KM |
| 3.Studio dva d.o.o. Sarajevo | 18.300,00 KM |
| 4.Institut za građevinarstvo IG d.o.o. Banja Luka..... | 19.999,00 KM |
| 5.Routing d.o.o. Banja Luka..... | 23.210,00 KM |
| 6.Radis d.o.o. Istočno Sarajevo..... | 23.960,00 KM |
| 7.Urbis centar d.o.o. Banja Luka..... | 24.400,00 KM |
| 8.Aksa d.o.o. Zenica..... | 29.300,00 KM |
| 9.Ipsa institut d.o.o. Sarajevo | 29.640,00 KM |

Nakon izvršene ocjene ponuda Komisija je predložila ugovornom organu da se u skladu sa članom 64. stav (1) tačka b) Zakona o javnim nabavkama („Službeni glasnik BiH“ br.39/14,59/22 i 50/24) ugovor u postupku javne nabavke usluga „**Izrada Idejnog projekta Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo na području Općine Ilidža**“ dodijeli ponuđaču **Bosna inženjering d.o.o. Sarajevo** za ponudenu cijenu proizašlu nakon date saglasnosti ponuđača Bosna inženjering d.o.o. Sarajevo na **Zahtjev ugovornog organa za prihvatanje ispravke računske greške u iznosu od 16.310,00 KM sa popustom bez PDV-a (19.082,70 KM sa popustom i PDV-om)**, obzirom da je u predmetnom postupku ponudio prihvatljivu ponudu sa najnižom cijenom.



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Komisija je sačinila Zapisnik o ocjeni ponuda broj: 06-45-901/25 od 28.01. 2025. godine i Preporuku o izboru najpovoljnijeg ponuđača broj 06-45-902/25 od 28.01.2025. godine, na osnovu čega je donesena Odluka o izboru najpovoljnijeg ponuđača broj 06-45-927/25 od 29.01.2025. godine kojom je za najpovoljnijeg ponuđača izabran Bosna inženjering d.o.o. Sarajevo, koja je dostavljena svim učesnicima u predmetnom postupku javne nabavke, zajedno sa Zapisnikom o ocjeni ponuda.

Dana 30.04.2025. godine izabrani ponuđač Bosna inženjering d.o.o. Sarajevo je na protokol Zavoda za izgradnju Kantona Sarajevo dostavio Izjavu od 29.04.2025. godine (koja je kod ugovornog organa zavedena pod brojem 45-3954 od 30.04.2025. godine) kojom pod punom materijalnom, moralnom i krivičnom odgovornošću izjavljuje **da odustaje** od dalje tenderske procedure, odnosno **od ugovora** u postupku javne nabavke usluga: Izrada Idejnog projekta Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo na području Općine Ilidža.

S obzirom da su ponude ponuđača shodno tački 24. Tenderske dokumentacije važile 90 dana računajući od isteka roka za dostavljanje ponuda, tj. računajući od 20.01.2025. godine, **a imajući u vidu novonastalu okolnost, da je ponuđač kojem je dodijeljen ugovor** Bosna inženjering d.o.o. Sarajevo dana 30.04.2025. godine **odustao od ugovora** u predmetnom postupku javne nabavke, ugovorni organ je dana 30.04.2025. godine ponuđačima CPK d.o.o. Banja Luka, Studio dva d.o.o. Sarajevo, Institut za građevinarstvo IG d.o.o. Banja Luka, Routing d.o.o. Banja Luka, Radis d.o.o. Istočno Sarajevo, Urbis centar d.o.o. Banja Luka, Aksa d.o.o. Zenica i Ipsa institut d.o.o. Sarajevo, na e-maile koje su navedeni ponuđači naveli u Obrascu za ponudu kao kontakt e-mail, dostavio Zahtjev za produženje perioda važenja ponude, kojim je od navedenih ponuđača zahtijevao da produže period važenja svoje ponude, odnosno da u roku od 7 (sedam) dana od dana prijema e-maila, tj. **najkasnije 07.05.2025. godine, na e-mail ugovornom organu dostave** ovjerenu i potpisanu Izjavu ponuđača kojom produžavaju period važenja svoje ponude u navedenom postupku javne nabavke za 90 dana računajući od dana prijema Zahtjeva, tj. do 29.07.2025. godine.

Ponuđači CPK d.o.o. Banja Luka, Radis d.o.o. Istočno Sarajevo i Ipsa institut d.o.o. Sarajevo ugovornom organu nisu dostavili traženu Izjavu kojom produžavaju period važenja svoje ponude, kako je zahtijevao ugovorni organ, zbog čega se ponude navedenih ponuđača isključuju iz daljeg toka postupka shodno članu 60. stav (3) Zakona o javnim nabavkama kojim je propisano: Ako ponuđač ne odgovori na pismeni zahtjev ugovornog organa u pogledu produženja perioda važenja ponude ili ne pristane da produži rok važenja ponude ili ne obezbijedi produženje garancije za ozbiljnost ponude, smatra se da je ponuđač odbio zahtjev ugovornog organa, te se njegova ponuda ne razmatra u daljem toku postupka.

Ponuđači Studio dva d.o.o. Sarajevo, Institut za građevinarstvo IG d.o.o. Banja Luka, Routing d.o.o. Banja Luka, Urbis centar d.o.o. Banja Luka i Aksa d.o.o. Zenica, su u zahtijevanom roku na e-mail ugovornom organu dostavili ovjerenu i potpisanu Izjavu ponuđača kojom su produžili period važenja svoje ponude za 90 dana, odnosno do 29.07.2025. godine, kako je zahtijevao ugovorni organ.

Imajući u vidu da drugorangirani ponuđač po Odluci o izboru najpovoljnijeg ponuđača broj 06-45-927/25 od 29.01.2025. godine CPK d.o.o. Banja Luka ugovornom organu nije dostavio traženu izjavu o produženju perioda važenja svoje ponude, zbog čega shodno članu 60. stav (3) Zakona o javnim nabavkama, ponuda navedenog ponuđača nije uzeta u dalje razmatranje, u skladu sa kriterijem



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

najniža cijena i članom 72. stav (3) tačka c) Zakona o javnim nabavkama, koji propisuje da ugovorni organ dostavlja predlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač: c) u pisanoj formi odbije dodjelu ugovora, ugovorni organ ugovor u predmetnom postupku javne nabavke dodjeljuje sljedećem ponuđaču sa rang liste uspješnih ponuđača **Studio dva d.o.o. Sarajevo** za ponudenu cijenu u iznosu od **18.300,00 KM bez PDV-a**, popust 0,00, iznos PDV-a je 3.111,00, odnosno u ukupnom iznosu od **21.411,00 KM sa PDV-om**.

Ponuđač **Studio dva d.o.o. Sarajevo** dužan je u roku od **5 (pet) dana** od dana zaprimanja ove Odluke dostaviti ugovornom organu **original ili ovjerenu kopiju** dokumentacije iz tačke 12.1.tenderske dokumentacije, kao i **original ili ovjerenu kopiju ovlaštenja** (za pravno lice-ponuđača) Federalnog ministarstva prostornog uređenja za izradu arhitektonskog projekta investiciono-tehničke dokumentacije u skladu sa tačkom 14. tenderske dokumentacije. Shodno svemu navedenom odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol ugovornog organa ili preporučenom poštom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 750,00 KM.

Dokaz o plaćenju naknade za pokretanje žalbenog postupka u navedenom iznosu na osnovu kojeg se može nesumnjivo utvrditi da je transakcija izvršena i kopija bankovnog izvoda računa sa kojeg je izvršeno plaćanje, obavezno se dostavlja Ugovornom organu u roku za izjavljivanje žalbe.

Direktor:
Belma Barlov, dipl.ing.arh.

DOSTAVITI:

- 1.Bosna inženjering d.o.o. Sarajevo, putem e-maila
- 2.CPK d.o.o. Banja Luka, putem e-maila
- 3.Studio dva d.o.o. Sarajevo, putem e-maila
- 4.Institut za građevinarstvo IG d.o.o. Banja Luka, putem e-maila
- 5.Routing d.o.o. Banja Luka, putem e-maila
- 6.Radis d.o.o. Istočno Sarajevo, putem e-maila
- 7.Urbis centar d.o.o. Banja Luka, putem e-maila
- 8.Aksa d.o.o. Zenica, putem e-maila
- 9.Ipsa institut d.o.o. Sarajevo, putem e-maila